

վարչական վարույթը վերսկսելու և

վարչական տույժ նշանակելու մասին

18 նոյեմբերի 2020թ.

ք.Գյումրի

Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետի ժամանակավոր պաշտոնակատար Նարեկ Գևորգյանս, քննելով Սամուել Աղաջանյանի /անձնագիր՝ 468878174, ք Երևան, Մաշտոցի պող, 2 39/12, բն 8/ կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Ց Ի

Սամուել Աղաջանյանը 06.06.2020 թվականի թիվ 05100022/060620/0010516 տարանցման հայտարարագրի համաձայն Բագրատաշենի մաքսային կետով ՀՀ տարածք է ներմուծել MERCEDES-BENZ մակնիշի, WDCYR49E85X163454 նույնականացման համարով տրանսպորտային միջոց: Նշված տրանսպորտային միջոցը 10.06.2020թ. հանձնվել է մաքսային մարմիններին ժամանակավոր պահպանման: Ժամանակավոր պահպանման ժամկետը մինչև 10.10.2020 թվականն էր: Նշված փոխադրամիջոցի վերաբերյալ Սամուել Աղաջանյանը սահմանված ժամկետում մաքսային մարմիններին մաքսային հայտարարագիր չի ներկայացրել:

Փաստի կապակցությամբ 13.10.2020 թվականին Սամուել Աղաջանյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 194-րդ հոդվածի հատկանիշներով:

Գործի քննությունը նշանակվել է 05.11.2020թ. ժամը 12:00-ին: Արձանագրության և ծանուցագրի օրինակը պատշաճ կարգով ուղարկվել է կողմին: <ՀԱՅՓՈՍ> ՓԲԸ-ի կողմից 17.11.2020թ. ծրարը հետ է վերադարձվել :

ՀՀ ՊԵԿ Հյուսիսային մաքսատուն-վարչության պետի կողմից 05.11.2020թ.-ին կայացվել է վարչական գործի վարույթը կասեցնելու մասին որոշում՝ համաձայն

<<Վարաչարության հիմունքների և վարչական վարույթի մասին>> ՀՀ օրենքի 49-րդ հոդվածի 2-րդ մասի <<ա>> կետի:

Սույն վարույթի շրջանակներում Սամուել Աղաջանյանի հաշվառման վայրի վերաբերյալ ՀՀ ՊԵԿ Հյուսիսային մաքսատուն-վարչության պետի 29.10.2020թ. թիվ 27.2/68984-2020 գրությամբ հարցում է կատարվել ՀՀ ոստիկանության անձնագրային և վիզաների վարչություն: ՀՀ ոստիկանության անձնագրային և վիզաների վարչության 02.11.2020թ. թիվ 55545-2020 գրությամբ վերջինս վերաբերյալ տեղեկություններ չեն տրամադրվել:

ՀՀ ՊԵԿ գլխավոր քարտուղարի 29.10.2020թ. թիվ 1/27.2/68983-2020 գրությամբ հարցում է կատարվել ՀՀ կադաստրի կոմիտե՝ քաղաքացու անվամբ գրանցված գույքի վերաբերյալ՝ ըստ հասցեի: ՀՀ կադաստրի կոմիտեի 06.11.2020թ. թիվ 56288-2020 գրությամբ տեղեկացվել է, որ նշված քաղաքացու անվամբ որևէ անշարժ գույքի անվամբ գրանցում կատարված չէ:

ՀՀ ՊԵԿ Հյուսիսային մաքսատուն-վարչության պետի 29.10.2020թ., թիվ Ն/27.2/175007-2020 գրությամբ հարցում է կատարվել ՀՀ ՊԵԿ ներքին անվտանգության վարչություն Սամուել Աղաջանյանի սահմանատուների վերաբերյալ տեղեկատվություն ստանալու վերաբերյալ: ՀՀ ՊԵԿ Ներքին անվտանգության վարչության թիվ Ն/2-5/175507-2020 գրությամբ տրամադրված տեղեկությունների համաձայն Սամուել Աղաջանյանը 17.11.2019թ.-ին ելք է գործել Հայաստանի Հանրապետությունից:

ԵՏՄ մաքսային օրենսգրքի 101-րդ հոդվածի 1-ին կետի 1-ին պարբերության համաձայն՝ Ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն Օրենսգրքի սույն հոդվածի 2-րդ կետում և 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին կետի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև

ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50.000 դրամի չափով:

ՀՀ մաքսային օրենսգրքի 219-րդ հոդվածի 2-րդ մասի համաձայն՝ մաքսային կանոնների վերաբերյալ գործը կարող է քննվել նաև տվյալ անձի բացակայության դեպքում, եթե քննության տեղի և ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս: Նույն հոդվածի 3-րդ մասի համաձայն 2-րդ կետում նշված դեպքում մաքսային մարմնի պաշտոնատարն անհրաժեշտ բոլոր գործողությունները կատարում և գործը քննում է օրենսդրությամբ սահմանված կարգով:

Ելնելով վերոգրյալից և ղեկավարվելով ՀՀ մաքսային օրենսգրքի 195-րդ, 206-րդ , <<Վարչարարության հիմունքների և վարչական վարույթի մասին>> ՀՀ օրենքի 49-րդ հոդվածի 3-րդ մասով , ՀՀ վարչական իրավախախտումների վերաբերյալ օրենսգրքի 32-րդ և 234-րդ հոդվածներով՝


Ո Ր Ո Շ Ե Ց Ի

1. Սամուել Աղաջանյանի վերաբերյալ հարուցված վարչական վարույթը վերսկսել:
2. Սամուել Աղաջանյանին ճանաչել զանցառու ՀՀ մաքսային օրենսգրքի 194-րդ հոդվածով և նրա նկատմամբ նշանակել վարչական տուգանք 50.000 ՀՀ դրամի չափով (տուգանքն անհրաժեշտ է վճարել ՀՀ պետական բյուջե, կենտրոնական գանձապետարան 900005024055 հաշվեհամարին, նշելով Հյուսիսային մաքսատուն-վարչություն, ԿՈՂ 28):

3. Որոշման մասին հայտնել Սամուել Աղաջանյանին:
4. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ ՄՕ 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏԻ
ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ



Ն.ԳԵՎՈՐԳՅԱՆ